

2 Pita

Olo Iyoswo Tifinjo loso Saimoun Pita Mti'mokumentisofoho. Olo Hungkuno Simo'mjofoho.

Jisas ahwomomne'no nto simentiso sohonta soswo *teti-foua'nji* (34) *teti-et'nji* (38) nto uyakolo'mentiso ajwo sopolikeno olo iyoswo tifinjo loso Saimoun Pita mti'mokumentisofoho. Olo iyoswo loso a'amu simeho hi'ntnnono uyimentohoho somnefoho. Olo iyoswo tifinjo mti'mokinyo hwapingoso olenoho. Oso a'amu Jisasimo in'ngkuno soku sekwo a'amu hwasyo hungkuno'njo sohwanne'no i'waho fiyimno. Pita kako ose ulimonto olo iyoswo loso mti'mokumentisofoho. Olo iyoswo loso ntipo humanto mti'mokumentiso so'no malinyofoho. Oso'no nakwo olo iyoswo homo lomo atofu lihwasu tifi un'ngkohwano.

¹ Ngko Saimoun Pita'nyoho. Ngko Jisas Kilaisiye syoho ulohofiyo sohwo'ni kako'ne hungkuno liku'mofo (*apousel*) syoho'njo hwo'nyoho. Jisas Kilais kako yahino wopingo'njo sohwo nakwoe Anituyoho. Kako nakwoe wonyo somjo tohino somta'ni ishutonemayo'ne hweho. Sekwo soku oso hiso'no upa'nontifi hungkuno homo somo simeho hi'ntnnono nakwo uyalokuhwone hopa uyontifi Anituye hungkunomo aho yokumpohn'nyo kemokosyohumalofo. Olo hungkuno loso

sekumne'no mti'mokalokweno. ² Sekwo Anitu'nji nakwoe Hwe Engo Jisasi'ntnne'no sekwo sikuno huhwo huhwi huno engo fitipemapmno. Huno engo tipemapijoso siko sekumo wopingo selohofohosisi sekwoe simeho wopingo engo wasemo'n+montonoho.

Anitu kako nakwo kakimo ufohi'nyo'ne nah-wosopo'mentisofoho.

³ Anituye yokumpohn'nyoso yo'mayo hopi'nono Anituye yahino wopingo somo in+ngkayo'ne nejapmmentisofoho. Nakwo Jisasi'mne'no huno engo tipemehwasi yo'mayo nejapmmentiso so'no huno wonay+montonoho. Jisas huhwo sohwo kakoe yofe engo so'nji kakoe yahino ito'nohino so'nji mayo'ne joho nal+mentisofoho. ⁴ Kakoe yokumpohn'nyo engo so'nji Anitu kako yo'mayo wopingo wonyoangkafo engo nakwo kakoe hon+ngkano ito'no in+ngkayo'ne wosejapmmo nal+mentisoso olohonta kako nakumo nto nejapmmentono. Oso'no olo hwaho lopo yo'mayo wonyo nakwoe simeho nel+kafoso nakumo wonyo wonamokumonto yonte somo nakwo Anituye yokumpohn'nyo'nji hwotoho fehwasu nakwo Anituye yahino wopingosomomantano.

⁵ Oseso nakwo Anituye hon+ngkano ito'nohino in+ngkayo'ne nakwo Anitumo simeho hi'ntnnono uyoso nto'nohinimaho. O'o, nakwo Anitumo simeho hi'ntnnono uyihwasi nakwo hon+ngkano wopingo imo'nyo'ne syoho yokumpohn'nyo uyano. Oso'nohinoso nto'nohinimaho. O'o, osopo

nakwo s̄ikuno huhwo huhwi An̄itune'no huno engo t̄ipemayo'ne huno nto'no syof̄isȳhwasi An̄itu kako yo'mayo hof̄iko ifit̄ne'ento imentiso so'no nakwo huno wonayono. ⁶ Nakwo oso'no huno nto'no naihwoso'no osopo nakwoe a'apaho wonyo'ne syof̄isyasoso hwotoho wofeeno. Nakwo yo'mayo wonyoso hwotoho monje fesȳhwasi yo'mayo tango ne'mahwoso'no nakwo yokumpohn'nyo wolohofano. Nakwo yokumpohn'nyo lohof̄ihwaso'no nakwo An̄ituye yahino hopa uyano. ⁷ Ose ihwaso'no ou osopo nakwo nom'ne a'amu somo nakwoe a'amu kuyoho ulano. Ose ul̄hwasi hofiyo ufo'mano. Hofiyo ufo'mehwasi nakwo s̄imeho nehopi unano.

⁸ Oso yahino ngko seloheso ne'no mj̄im̄hwasi nakwo nakwoe Hwe Engo Jisas Kilais̄iye yahinoso nakumo toyo enaof̄ihwoso'no yo'mayo syoho nakwo kakine'no yasoso ne umo'n̄imontonoho. ⁹ An̄ituye a'amu ne fihwo kako oso yo'mayo yahino homo somo momaso'n̄jo yoso'manji oso a'amu huhwo sohwo kako t̄impi'nyo pa'nyo hweho. Oso a'amu t̄impi'nyo huhwo sohwo kako An̄itu kakoe wonyo wae ȳimo'mentiso so'no kako huno muyofoho. Kako in̄ngo mofalofoho. ¹⁰ Oseso nje a'amu soku sekwo oso hopa ikutoho. An̄itu kako sekune'no johu selonto kakoe a'amu ne imo'nyo'ne sehwsopo'mentisofoho. Oso yahino ngko selohe somo mayo'ne syoho yokumpohn'nyo yoho'n̄ngkuji a'amu hof̄iko nosehon̄ngkuji ole woselant̄ifeho. Sekwo An̄ituye a'amu ne kuyoho. Sekwo ose

ifijoso mopɪwahupitnnehoho. ¹¹ O'lo, sekwo Anɪtuye yahino wopɪngoso nomafɪkujo'no oso honɪngkano Anɪtumo u'mayo'neso sekune'no hwosompo'naweho. Osopo nakwoe Hwe Engo Jisas Kɪlais kako nakwoe wonyomne'no poyo imo'nɪmentiso sohwo'nji sekwo engolopohamo ne'no nohumafɪkuji kako sekumo hofiyo semokosyohumanefoho.

¹² Oseso olo hungkuno loso ngko ne'no selɪwo'nɪngkohefoho. Sekwo olo hilo so'no huno ko seyahonɪngki sekwo aho yokumpohn'nyo ko kemokosyohumalofoso ngko apa'no selalokweno. ¹³ I ngko olo so'no nɪmo'nɪngkohoho. Sɪkuno hopi'nonohino somo ngko olo hwaho lopo songo humahm'mo sekwo huno aku syafɪsyɪyo'ne olo hungkuno hiloso ngko sekumo ne'no waselɪmonne'no yohono. ¹⁴ Ngko olo so'no huno niyohoho. We'enepi ngko olo hwaho lopo ulɪko'ma'monnoho. Nakwoe Hwe Engo Jisas Kɪlais kako olo hilo so'no ngkimo huno nto lanɪfohoto'masofoho. ¹⁵ Oseso ngko apa'no syoho engo yonji sekune'no olo hungkuno hiloso mtɪ'mokosesyalokweno. Hwangku ngko poyo pe'nɪme sohonta sekwo olo hungkuno homo losomo apa'no huno ne'no syafɪhupitnne'enji mtɪ'mokosesyalokweno.

Nakwo Anɪtuye pomponahoso Kɪlaisɪmo wentanɪngki uhwonɪmentɪhwonefoho.

¹⁶ Nakwoe Hwe Engo Jisas Kɪlais kakoe yokumpohn'nyo engo so'nji kako asomo pe-e'ne so'ntnne'no noselahonɪngkuhwoni sekwo nto upa'nɪmentohofofoho. Oso

hungkuno nakwo Kilaisimne'no selimentihwone hwapingoso a'mane hungkuno'nji siki hungkuno oso'njo mta'ango'maho. O'o, nakwo Kilaisi'nji nohumentani yo'mayo wonyoangkafo imentiso somo timo uhwonimentihwonefoho.¹⁷⁻¹⁸ Ou, oso hwofiki'nyo sopo nakwo nohumentaningkuhwoni kaningkwohwo Anitu kakoe hwomufe yofeso ho'nimahoningki Jisas kakoe a'apahoso pomponaho lahumentisofoho. Nakwo ahwomo mta'ni Anitu kakoe mampahoso kakoe hwomumo ulahoningki nakwo ole upa'nimentihwoni, Oloso nje hwomufoho. Ngko kakine'no wopingo nimonantohofoho. Nje simehoso kakine'no wopingo nimonantofoho. Nakwo ose ho'ningkahoningki upa'nimentihwonefoho.

¹⁹ Oseso a'amu Anitu hungkuno uyahoningki limotofo sohwa oso hungkuno hiso hofiko mtimokumentohofoho somo nakwo nupo'nontani nehopi limotofo lontani simeho yokumpohn'nyo uyalokuhwono. I oso'no sekwo hoku hofikoe hungkuno homo somo aho yokumpohn'nyo fikesyohumamno. Hofikoe hungkuno hiso sikwo'mjoho so'mo tipomponaho hopa losyalofoho. Oso pomponaho hiso ne'no nolosyantaningkuhwosi iyoho walongkonimo lihwosi iyohohwe'nji i'mu simofap'wo'ningkiso uhwon'wo'ningkuhwone hopaso Jisas kako oso i'mu hopa imo'ningkuhwosi kako kakoe pomponahoso sekwoe simeho mo'mo lasesyonefoho.²⁰ Sekwo olo hilo so'no huno waseyono. Anitu kakoe a'amumo hungkuno uyahoningki limotofo sohwa iyoswo

mti'mokumentohoho somo nakwo atoho lontani a'amu fihwo nakwo'njo mta'ango sohwo kako oso hungkuno homo somjo neso kakoe huno mta'ni syafi syihwosi yoloho molijwaofonehoho. Awonoho. ²¹ Hohonta hwe fihwo kako ole majofoho. Anitu kakoe hungkuno nomahm'mo a'amumo ulimne'no yohono. Kakoe huno mta'ni ose majofoho. O'o, Anituye Towahuno kako'nohini hofikoe hunomo kakoe huno mta'nnohini tipemanto uyahonngki a'amu huhwo sohwa hofiko Anituye hungkuno limotofofoho. Huno ose waseyono.

2

A'amu Anituye hungkuno hwasyo liwo'nngkohoho sohwafe hwasyo yahino wonyo so'ne hungkunofoho.

¹ Hohonta a'amu fehohnjoso hofiko a'amu Juta somo Anitumne'no hwasyo hungkuno limotofofoho. Oso hopaso a'amu fehohnjo hwasyo hungkuno'njoso sekwo'njo ajwo so'mta'ni wolikofantifeho. Hofiko sekumo hungkuno ole maselifitnnehofo, Nakwo olo hungkuno selalokuhwone loso kengo mta'angofoho. Ose maselifitnnehofo. O'o, hofiko sekumo ole woselantifeho. Nakwo olo hungkuno selalokuhwone loso Anituye hungkuno selalokuhwono. Hofiko sekumo ose hwasyo selikuji hofiko Anituye hungkuno so'nji hofikoe huno kengo mta'ango hwasyo so'nji woselantifeho. Sekwo hofikoe hwasyo hungkuno homo somne'no simeho hi'ntnnono uyifijoso oso a'amu hiso sekumo wonyo wosemokantifeho.

Jisas Kilais kako hofikoe wonyo somta'ni mpe ko nto ema'mentisoso hofiko kakimo hohujo apa'no ikinjimo'mentohofofoho. Hofiko hohujo ikinjimo'mentohofoho so'no hofiko wonyo komo'no imo'nifitnnefoho. ² A'amu pi'n'ngo engoso nakwo Anituye a'amu ne'nwoho likuji hofiko hofikoe yahino kengo kengo wonyo somo un'ngkowitzefeho. Oso a'amu hofiko yo'mayo wonyo yontife so'no a'amu nom'neso hofiko nuhwon'ngkuji Anituye a'amu nefoho syafisy'kuji hofiko Anitu kakoe hungkuno ne'njo somne'no sitofo woselantifeho. ³ Oso a'amu hwasyo hungkuno'njo hiso hofiko sekwoe hamniyoho so'no hi umo'n'ngkuhwo'no hofiko sekwoe yo'mayo hamniyoho wosemano likuji sekumo hungkuno kengo kengo hwasyo woselantifeho. Oso'no hohonta Anitu kako oso a'amu hiso hofiko Anitu'nji hungkuno ikwolof'kuji wonyo imo'nyo'ne sikuno ho'nahumentisoso weho. Oso'no Anitu kako timo mopeku'nohumuyoho. O'o, kako timo hontohumaho.

⁴ A'amu ahwomomjo fehohnjo wonyo imentohofoho sohwo Anitu kako hofikimo timo'nohini uhwon'mentiso'maho. O'o, kako hofikimo tikanomo uhumat'mentiso sohwa hofiko osopo sikwo'mjoho n'hu'no wonyo so'mo humantifi oso sikuno Anitu'nji hofiko hungkuno ikwolof'ne so'no hontohumalofoho ⁵ Hohonta hwe moya'mi hofiko Niwa'nji humamentohofoho somo Niwa kako yahino wop'ngo so'no hungkuno yoloho ko lutihwahon'ngki hofiko Anitumne'no hohujo ikinjimo'mentohofoho so'no Anitu kako mijo ayo engo somo hungkuno ulahon'ngki

oso mijo ayo engo huhwo sohwo hofi:kimo ifehu'mokosyahon+ngki oso a'amu hiso hofi:ko mijo meepolo'mentisofoho. Oso hohosohonta Niwa kako hwe wop+ingo'nohino sohwo'nji kakoe a'amu aho fehohnjo hopi'nonohini nom'ne mta'ni hufa'u oso a'amu hofi:ko yofayokinomo songo humamentohofofoho.

⁶ Oso a'amu ango pone hufa'u Soutom'nji Ngkoumoulajo humamotofoso hofi:koe hon+ngkano wonyo somne'no ahwomo mta'ni An+itu kako oso ango hopo sopo ti:posyo ho'nao'mentisoso hwakufu nimo'n+mentisofoho. Oseso olohonta a'amu hofi:ko An+itumne'no hohujo ikinjaof+wo'n+ngkohofoso hofi:ko oso ango hufa'u somne'no tohino mayoso'no huno uy+hwoso'no hofi:ko An+itu'nji hungkuno ikwolofu so'ne si:kuno somne'no iyoho unono.

⁷ Oso ango hufa'u soponta'ango fihumo An+itu kako songo humayo'ne uti:ma'mentisoso anga'nohino hweho. Kakoe yofeso Loutiyoho.

⁸ Oso hwe wop+ingo Lout huhwo sohwo kako a'amu wonyofe yahino wonyo somne'no kakoe si:meho tango engo uy+mentisofoho.

⁹ Oseso nakwo huno wonayono. An+itu kako a'amu kakoe yahinomo ti:fi in+ngkawowo'n+ngkohofu somo yo'mayo tango u'mayo so'no ufo'mawo'n+ngkiso hweho. Oso'nji An+itu kako a'amu hon+ngkano wonyo'njo somo hungkuno ikwolofoso sohonta tohino nuyonefoho. Huno ose wonayono.

¹⁰ A'amu fehohnjo hofi:ko An+ituye hungkuno so'no ne anefoho syafi:sy+kuji An+itumne'no hohujo ikinjaof+kuji nakwo An+itumo enjwa'mo humayoso nakwolaho li:kuji

yo'mayo wonyo hofikoe simeho umo'nyo somo in'ngkafijosomo a'amu homo somo Anitu kako tohino engo uyonefoho. Hofikoe tohinoso nom'ne somo yakolo'nnyofoho. Oso a'amu Anituye hungkuno hwasyo liwo'n'ngkohofoso hofiko yokumpohn'nyo imo'nontifi hofikoe hunomnohini in'ngkawowo'n'ngkohofofoho. Oso'no hofiko a'amu ahwomomjo somne'no sitofo ujoso'no iyoho munyofoho. ¹¹ I oseso oso a'amu hwasyo hungkuno'njo somne'no a'amu ahwomomjoso hofikoe yokumpohn'nyo'nji yofe engo'nji yakolo'nnyo ko huhwa hofiko oso a'amu hwasyo hungkuno'njo huhwo sohwanne'no Anitumo sitofo mujo'ne hwafoho.

¹² Oso a'amu hwasyo hungkuno'njo wonyoso hofiko yo'mayo wonyo hofikoe simeho umo'nyo somo iwo'n'ngkohofofoho. Hofiko yahwohuno'njo hwafoho. Yo'mayo so'no hofiko huno nto'no mosyafisiyo'njo ifijoso hofiko oso hiso'no sitofo wolantifeho. Yahu kona'wohi mu meesyososo a'amu fonjasyontife pa'nyoso oso a'amu homo somo Anitu kako ose imokonefoho. ¹³ Hofiko nom'ne a'amu somo tango engo uy'wo'n'ngkohofoso so'no hofiko tango engo womantifeho. Hofiko wonimango munyo'njo yo'mayo wonyo hofikoe simeho umo'nyoso utihwa'nyopo iwo'n'ngkohofofoho. Ose yontifi hofiko simonyo iwo'n'ngkohofofoho. Ole seliwo'n'ngkohofi, Nakwo ho'nwi Anituye a'amu ne'nwoho selontifi sekwo Anitumne'no uhu'mokuwo'n'ngkohofoso sohonta a'amu hiso'nji sekwo ifohutn'nyo sopo swo'nontifi oso a'amuso hofikoe

yahino wonyoso hwapife halojo sopo kiho lopisyaofisyo pa'nyo'njo hwafoho. ¹⁴ Hofikoe yahinoso olenoho. Hofiko ape hwa'ntesimo uhwonano liwo'n'ingkohofofoho. Hofikoe hon'ingkano wonyo somne'no in'ingkayo'ne mijoho uy'wo'n'ingkisofoho. Oso hiso hofikoe simeho somo simeho muhnn'wo'n'ingkisofoho. Oso a'amu hiso hofiko a'amu nom'ne Anituye hungkunomo aho yokumpohn'nyo nto'no mokemokosyohumawo'n'ingkohoho yohoho somo afofo hungkuno ulontifi hwasyo hon'ingkanomo in'ingkayo'ne ipemotawowo'n'ingkohofofoho. Hofiko nom'ne a'amufe yo'mayo so'no hi umo'n'wo'n'ingkisofoho. Oso a'amu homo somo Anitu kako wae yaofonefoho. ¹⁵ Hofiko hon'ingkano nto'nohino somo hohujo ikinjaofontifi hofiko olopole nonje nonje ilohofom'wo'n'ingkohofofoho. Hofiko oso hwe hohontajo Mpeyouye hwomu Mpelam sohwo kako hamniyoho engo mayo'ne yahino wonyo imentiso oso pa'nyofoho. ¹⁶ Yahu *toungkiso* a'mohungkunoso maliwo'n'ingkohoho yohoho. I oso'no Mpelamiye yahu *toungki* fihwo kako Mpelamiye hon'ingkano wonyo somne'no wopijwahumonto oso yahu huhwo sohomo Anitu a'mohungkuno kakoe hunomo ho'n'isyahon'ingki oso yahu sohwo kako Mpelammo yoka ul'mentisofoho. Oso'no yahu huhwo sohwo kako a'mohungkuno'nji Mpelamiye yahino wonyo somo pijwahumentisofoho.

¹⁷ Oso a'amu Anituye hungkuno hwasyo

lutihwawo'n'ingkohofoso hofiko mijilimno
 somo jefo yonto sa'n'iwon'ingkiso pa'nyofoho.
 Oso a'amu hwasyo hungkuno'njoso
 hofiko oso humeengo engo saponte
 somo ifofo yokumpohn'nyo engoso ponto
 mtihupo'meefiwo'n'ingkiso pa'nyofoho.
 Oso a'amu hisomne'no Anitu kako
 hofiko ango ni'hu'no sikwo'mjoho so'mo
 humafitnne'ento sokafo esyohumaho. ¹⁸ Oso
 a'amu hiso hofiko hofikoe yo'mayo wonyo
 iwo'n'ingkohofoso somne'no hofiko hofikoe
 yofe ho'noma'n'iwon'ingkohofofoho. Hofiko
 ni'hu'no huno anefoho. Hofiko nom'ne a'amu
 wonyo hon'ingkanomo kahopi ho'nosyalokwofo
 oso a'amu somo hofiko afofo hungkuno
 ulontifi hofiko oso a'amu homo somo
 hon'ingkano wonyo somo ne'no apa'no asomo
 ipemotowalokwofo. Ole lutihwawo'n'ingkohofi,
 Yo'mayo wonyoso jije simeho kumo'n'ingkiso
 somo noho fiyo. Ose ulahon'ingkofi a'amu
 hiso hofikimo tifi in'ingkowalokwofo. ¹⁹ Oso
 a'amu hwasyo hungkuno'njoso hofiko ole
 lutihwawo'n'ingkohofi, Yo'mayo wonyoso sekwo
 sekwoe simeho semo'noso'manji u sekwoe
 syohofoho. Sekwo hon'ingkano hungkuno somo
 enjwa'mo humayoso peho'neto. Sekwo yahinoso
 nom'ne a'amu semokosyohumunyo ku'maho.
 O'o, sekwo kongkaku mokosyohumunyo kuyoho.
 Ose ko ulahon'ingkofi hofikoe yahino wonyo
 so'nji hwasyo hungkuno so'nji hofikimo aho
 yokumpohn'nyo kemokosyohumunyofofo.
 Hofiko yahino wonyofe syoho ulohofiyofoho.
²⁰ A'amu fiso hofiko Jisas Kilais kako hofikoe

wonyomne'no poyo imo'nimentiso so'no hofi'ko oso hungkunoso mupa'nimmentohofoso hofi'ko wonyo we'e humalofo. I oso'no a'amu fiso hofi'ko hofi'koe wonyo hon'ngkano somo hohujo ikinjaofi'kuji osopo hofi'ko hon'ngkano wonyoso nto ho'naopijoso apa'no nomafi'kuji aho yokumpohn'nyo kemokosyohumafijo'manji oso hohosohonta hofi'koe fosyohumayo somo Anitu kako hofi'kimo ni'hu'no wonyo fosyohumentan'ngkuji uhwon'montonoho.

²¹ Oso a'amu hiso hofi'ko hon'ngkano wonyo ni'hu'nahone nto ho'nao'mentohofoso apa'no ma'mentohofoso hofi'kimo Anitu kakoe hungkunoso hofi'kimo mu'maso'njo yontentesi hofi'ko wopi'ngo humafi'kutnesohilo. I oso'no hofi'ko Anituye hon'ngkano wopi'ngo somne'no huno wopi'ngo tipema'mentohoho homo somo hofi'ko aku hohujo ikinjao'mentohoho so'no hofi'ko tohino mikun'imposo engo womanti'feho.

²² A'amu Anituye hungkunomo upa'nontifi hungkuno homo somo hwotoho hmentohofoso hofi'kimne'no oso hungkuno oso si'wojo yahu yahino'njofoho. Oseso nehopi li'wo'n'ngkohoho. Si'wojo kakoe yahinoso hwolaho mjasyihwosi apa'no woman'montonoho. Yahu sohwa mno nto ijontife somo apa'no wentifi iji'wo'n'ngkafo pa'nyofoho. Oso a'amuso hofi'ko Anituye hon'ngkanomo tifi we'lenhwo in'ngkawentifi osopo hofi'ko Anitumne'no hohujo ikinjaofi'wo'n'ngkohofoso hofi'ko si'wojo yahu osohwafe yahino'njofoho.

3

Nehopi'nohini nakwoe Hwe Engo sohwo kako asomo noponefoho.

¹ Nje a'amu soku olo iyoswo hufa'uyo mtì'mokalokwe loso iyoswo sìmo'mjo so'nji olo tìfinjo lo'nji hungkuno wopìngo nto upa'nìmentohofò so'no sekwo huno aku syafisiyo'ne semtì'mokiyalokweno.

² Hungkuno hiso olenoho. Hohonta Anìtu kakoe a'amumo hungkuno uyahonìngki hofìko mtì'mokumentohofò sohwa hofìko yo'mayo tìfi no'mo imo'none so'no mtì'mokumentohofòfoho. Sekwo oso hungkuno so'nji nom'ne hungkuno nakwoe Hwe Engo Kìlais kako nakwoe wonyomne'no poyo imo'nìmentiso sohwo kakoe hungkuno lìku'mofò (*apousel*) syoho'njo sohwna'nta'ni upa'nìmentohofò so'ntnne'no sekwo huno nto'no fìsyafìhupmno.

³ Sìmo'mo sekwo huno olo so'no huno waseyono. We'enepi sìkuno ae'uyoso moi'wo umo'nìmo lìhwosi yoso sohonta a'amu fehohnjoso hofìko yo'mayo hofìkoe hunoso umo lonto yahonjo somo hofìko tìfi inìngkawowo'nìngkohofoso hofìko sekumne'no sitofò woselantìfeho.

⁴ Hofìko sekumo ole woselantìfeho. Sekwoe Hwe Engo sohwo kako sekumo ole selìmentisotaho. Hwangku ngko asomo wapmmnonho. Ose selìmentisotaho. I kako ntì'mo humaho. Nakwo kakimo muhwonyofòho. Kako sekuyepono asomo maponehoho. Anìtu hohonta yo'mayo mtì'mokumentiso sohonta yo'mayo imo'nìmentisoso ne'no wo'mopontanìngki

nakwoe ajuyohwosa hofiiko nohumamopontiifi pe'nimentohoho somta'angoso olohonta oso yo'mayoso ne'no weho. Oso pa'nyoso ne'no nowentihwonefoho. Sekwoe Hwe Engo sohwo kako maponehoho. Hofiiko sitofo ose woselanitifeho. ⁵ Hofiiko olo hungkuno anga'nohino losomo simeho hi'ntnnono uyoso nakwolaho lalokwofo. Hohonta Anitu kako hungkuno'nohini lahoningki hwaho'nji ahwomo'nji imo'nimentisofoho. Oso hwaho hiso mijo ajwopo wo'mentisofoho. Mijo fehohnjoso yokintahopo ho'nahumentisoso fehohnjoso hwaho lopo wo'mentisofoho. ⁶ Oseso sikuno nom'ne somo Anitu kako lahoningki mijo oso hwaho somo ifehu'mokosyahoningki a'amu hopi'nono wonyo humamotofoso mijo mapolo'mentono. ⁷ Oso pa'nyoso tifi no'mo Anitu lahoningkuhwosi olo hwaho lo'nji ahwomo'nji uhwon+wo'n'ingkuhwone somo Anitu lihwoso'no toho nonasyonefoho. Oso hohosohonta a'amu hofiiko Anitumne'no hohujo ikinjaofiwo'n'ingkohoho somne'no oso Sikuno Engo Anitu'nji hofiikoe wonyo so'ne hungkuno ikwolopitnnefoho. Oso hiso'no Anitu kako hontohumaho. Oso hungkuno homo somo a'amu sitofo'njo huhwo sohwa hofiiko simeho hi'ntnnono muyo'njo hwafoho.

⁸ Nje a'amu soku sekwo olo hilo so'no huno nosyafisyikutoho. Anitu kako hontohumayo ne'nohinoso peho'neto. O'o, sekwo huno olo so'no fisyafihupmno. Anitu kako huno syafisyonteso sikuno anga'nohinoso soswo

wan tausen (1,000) pa'nyofoho. U soswo wan tauseniso (1,000) sikuno anga'nohino pa'nyofoho. Nakwo sikuno so'ne atofu liwo'n'ingkuhwone hopaso Anitu kako oso sikuno so'ne atofu majofoho. ⁹ Nakwoe Hwe Engo Anitu sohwo kako ole limentiso, U ngko yo'mayoso umonnoho limentisoso uyimontonoho. A'amu fehohnjoso hofiko huno ole syofisyalokwofo. Anitu kako oso hungkuno limentisoso iningo mofalofoho. O'o, kako iningo mamofonehoho. I oso'no Anitu kako huno ole syofisyalofoho. A'amu anga'nohino fihwo kako tikanomo uyoso'no nihu'no wonyofoho. Ose lonto ole lalofi, a'amu hopi'nonohinoso hofikoe hon'ingkano wonyo somo hohujo ikinjaofikuji ngkine'no simeho hi'ntnnono yiwolo'mokukuji wontapife. Anitu kako huno ose syafisyonto kako a'amu hon'ingkano wonyo'njo somne'no hontohumaho.

Olo hwaho lo'nji ahwomo lo'nji moi'wo imo'nonefoho.

¹⁰ Oseso a'amu hufo uyantife piwo'n'ingkohoho hopaso nakwoe Hwe Engo sohwo kakoe sikuno asomo pe-e'neso oso pa'nyofoho. Oso sikuno homo somo ahwomo engo nolihwoso'no ahwomo hiso moi'wo umo'n'montonoho. Oso hohosohonta hntokwaliyo so'nji hamno mofehi'nyo nakwoe hwaho yo'mayo so'nji toho moi'wo nonefoho. ¹¹ Hwangku oso yo'mayo i'mofapone so'no sekwo huno syafisyikuji olhonta sekwoe humayoso pipi wehumantifito. Sekwo hon'ingkano wop'ingo'nohini ikuji Anituye yahino wop'ingomnohini nto'no

finingkakuno. ¹² Ose ikuji sekwo Anitu ye Siku no Engo so'no fohontohumamno. Sekwo Anitu kakoe syohoso yokumpohn'nyo ifijo'manji kako komo'no wapmmontonoho. Oso siku no homo somo yo'mayo ahwomomjo somo toho ningkuhwoso'no sojo hwaho yo'mayoso afofo mijo pa'nyo imo'nonefoho. ¹³ Hohonta Anitu kako ole nalimento, Ahwomo'nji hwaho'nji moi'wo imo'noso sohonta ngko ahwomo songo'nji hwaho songo'nji mt'i'mokumnefoho. Oso hopo sopo a'amu hofiko yahino wopingo'njoso mapitnefoho. Anitu ose nalimentiso so'no nakwo oso hiso'no hontohumalohwono.

Nakwo nakwoe humayoso nto'no ehumehwasi nakwoe Hwe Engo sohumne'no wohontohumano.

¹⁴ Oseso nje a'amu soku sekwo yo'mayo yahino wonyo somo nihu'nahone ho'naofikuji yahino wopingo'nohini iyoso'no syoho engo ikuji oso siku no engo somne'no fohontohumamno. Ose ifijo so'no Anitu kako sekumo timo wonyo masehononehoho. O'o, sekwo kako'nji simeho afa unantifeho. ¹⁵ Jisas kako asomo komo'no mape'njo peho'no yalofoho. Hwapingoso kako nom'ne a'amu hofikoe honingkano wonyo somo hohujo ikinjaofikuji ngkimo tifi wonningkapifento hontohumaho. Olo hungkuno ngko semti'mokiyalokwe hiloso Anitu kako neningkwa'wehwo Poul huhumo uyahoningki kako huhwonji sekune'no iyoswo mt'i'mokumentisofoho. ¹⁶ U yo'mayo iyoswo Poul mt'i'mokuwo'ningkisos

kako sɪkuno ae'uyo yo'mayo somne'no mtɪ'mokuwo'nɪngkisofoho. Hungkuno fehohnjo mtɪ'mokonteso yoloho ne tipemayo'ne'entani syoho engo iwo'nɪngkuhwonefoho. I oso'no a'amu huno aneso Anɪtuye hungkunomo hofɪko aho yokumpohn'nyo mokemokosyohumayo'njo hofɪkoe hwasyo hunoso iwo'nɪngkohofoso hofɪko Pouliye hungkuno yoloho neso huno muyahonɪngki hwasyo lutɪhwawo'nɪngkohofofoho. Pouliye hungkuno'nohinɪ'maho. O'lo, nom'ne hungkuno Anɪtuye iyoswo mta'ango hi yoloho neso hwasyo lutɪhwawo'nɪngkohofofoho. Oso'no hofɪko tohino engo notɪpemapitnnefoho.

¹⁷ Nje a'amu soku, sekwo oso a'amu Anɪtuye hungkuno hwasyo lutɪhwamojo so'no huno nto seyohoho. Oseso sekwo oso a'amu somne'no i'waho nto'no fiyɪmno. Oso a'amu Anɪtuye hungkuno hwasyo losetɪhwawo'nɪngkohofoso hofɪko sekumo honɪngkano hwasyomo ipesemotafitnnoho. Sekwo nopɪwahupitnnoho.

¹⁸ Sekwo nakwoe Hwe Engo Jisas Kɪlais kako nakwoe wonyomne'no poyo imo'nɪmentiso sohune'no sekwo kakine'no sɪmeho hi'ntnnono uyalokwofo soku sekwoe sɪmeho pompenjiyo uyoso engo umo'nono. Sekwo kakoe yahino wopɪngo somne'no sekwo huno engo fitɪpemapmno. Nakwoe Hwe Engo Jisas kakoe yofeso engolopohamo ne'no noho'nomehwanefoho. Nje hungkuno osohopeho. Ngko Pita'ni selohono. Nehopeho.

Mpohwoe Hungkuno Songofoho
The New Testament and Genesis in the Safeyoka
(Ampeeli-Wojokeso) language of Papua New Guinea
Buk Stat na Nupela Testamen long tokples Safeyoka
long Niugini

copyright © 1988 Wycliffe Bible Translators, Inc.

Language: Ampeeli-Wojokeso (Safeyoka)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2011-12-15

PDF generated using Haiola and XeLaTeX on 3 Mar 2023 from source files dated 9 Oct 2020

f526da1e-a607-571c-ba86-56367d7583f3